

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**PRIJEDLOG**

Broj: \_\_\_\_\_/19  
Kakanj, \_\_\_\_\_/19.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine F BiH", broj 49/06 i 51/09) i člana 24. Statuta Općine Kakanj ("Službene novine Općine Kakanj", broj: 4/08) Općinsko vijeće, na \_\_sjednici održanoj \_\_\_\_\_/2019.godine, donijelo je

**ODLUKU**

**o izmjenama i dopunama Odluke o izdvajanju naselja Tičići iz sastava  
MZ "Donji Kakanj" i osnivanju Mjesne zajednice "Tičići"**

**Član 1.**

U Odluci o izdvajanju naselja Tičići iz sastava MZ "Donji Kakanj" i osnivanju Mjesne zajednice "Tičići" (Službene novine Općine Kakanj, broj: 08/19) član 3. mijenja se i glasi: "Područje Mjesne zajednice Tičići počinje na koti Piljevina, nastavlja u pravcu jugo-istoka kosom do kote 613, gdje silazi na put Gornji Tičići i Groce, nastavlja u istom pravcu kosom posjedom Hardauš Husnije do puta za zaseok Pipe, sa ovog puta ide starim putem pored kuće Budeša Save, koja pripada naseljenom mjestu Jahorina i silazi na stari put Donji Kakanj-Tičići, od ovog mjesta ide u pravcu istoka do mjesta gdje se odvaja put prema rijeci Bosni, ovim putem ide do desne obale rijeke Bosne, nastavlja desnom obalom ove rijeke u pravcu zapada do mjesta gdje se ulijeva Moščanički potok u rijeci Bosni, od ovog ušća ide u pravcu sjevera kosom do kote "Jasenak" te dalje u pravcu sjevero-istoka preko kote "Debelo Brdo" do kote Piljevina".

**Član 2.**

Ova Odluka stupa na snagu danom donošenja, a bit će objavljena u "Službenim novinama Općine Kakanj".

**PREDSJEDAVAJUĆI  
OPĆINSKOG VIJEĆA**

---

Slaven Katičić

## **Pravni osnov**

Pravni osnov za izmjenu i dopunu Odluke o izdvajanju naselja Tičići iz sastava MZ "Donji Kakanj" i osnivanju Mjesne zajednice "Tičići" je član 13. Zakona o principima lokalne samouprave u Federaciji Bosne i Hercegovine ("Službene novine F BiH", broj 49/06 i 51/09) i član 24. Statuta Općine Kakanj („Službene novine Općine Kakanj“, broj: 4/08).

## **Razlog za donošenje**

Odlukom o utvrđivanju naseljenih mjesta Općine Kakanj broj: 01/1-023-1/82 od 09.02.1982 godine ("Službeni glasnik Općine Kakanj broj: 1/82) opisane su i utvrđene granice naseljenih mjesta Općine Kakanj.

Odlukom o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj broj: 01/1-6-139/17 od 31.03.2017 godine, ("Službene novine Općine Kakanj broj: 7/17) tekstualni dio također opisuje granice naseljenih mjesta mjesnih zajednica Općine Kakanj.

Prilikom utvrđivanja granica naselja Tičići, korištene su obje navedene odluke, konsultovani podnosioci inicijative za izdvajanje Podružnice Tičići i članovi savjeta MZ Donji Kakanj, te takav materijal dostavljen Općinskom vijeću na razmatranje i usvajanje.

Nakon usvajanja Odluke o osnivanju Mjesne zajednice Tičići, na dio granice sa naseljem Donji Kakanj građani naselja Jahorina su reagovali pismenim putem, zahtjevajući da se dio sporne granice Mjesne zajednice Tičići utvrdi isključivo po navedenoj Odluci iz 1982 godine, tj. da veći dio mjesta poznatog kao Jahorina ostane u sastavu Mjesne zajednice Donji Kakanj.

Predstavnici Službe za opću upravu zajedno su sa predstavnikom Službe za imovinsko-pravne geodetske poslove i katastar nekretnina izišli na teren, te nakon obilaska utvrdili da se prilikom određivanja i davanja koordinata Službi za imovinsko-pravne geodetske poslove i katastar nekretnina sa kote 613, zvana Piljevina, napravila tehnička greška.

Naime, prilikom spuštanja na put Gornji Tičići i Groce, umjesto da granica ide kosom i posjedom Hardauš Husnije do puta za zaseok Pipe, starim putem pored kuće Budeša Save koji završava na glavni put Donji Kakanj-Tičići, greškom se skrenulo lijevo od posjeda Hardauš Husnije i kao početna tačka naselja Tičići uzeta kuća Kolić (Džemala) Ekrema, čime je veći dio mjesta Jahorina pridružen naselju Tičići.

Uvažavajući osnovane primjedbe građana, pridržavajući se isključivo granica naselja Tičići definisanih Odlukom o utvrđivanju naseljenih mjesta Općine Kakanj iz 1982 godine, predlaže se Općinskom vijeću izmjena i dopuna Odluke o izdvajanju naselja Tičići iz sastava MZ "Donji Kakanj" i osnivanju Mjesne zajednice "Tičići".

## Grafički prikaz spornog dijela granice naselja Tičići



Puna linija označava ispravnu liniju granice, dok isprekidana linija predstavlja pogrešnu liniju granice naselja Tičići.

### **O b r a đ i v a č:**

Služba za opću upravu, radne i zajedničke poslove, lokalnu samoupravu i mjesne zajednice Općine Kakanj.

**Predlagač**  
Općinski načelnik  
Aldin Šljivo